



МЕСЯЦА МАЯ В 4-й ДЕНЬ

Святѣя преподобномученицы Пелагии

Стихиры, глас 2.

Подобен: Егда от Древа:

Егда мановением Божественным / Божественными огласилася еси глаголы, блаженная, / якоже земля, славная, тучна, / прияла еси сердечными броздами семя словесное / и сторичествующий клас прорастила еси / всем, верно чтущим тя, мученице, войстинну, Пелагиие, / сердца благодатию наслаждаючи.

Единаго рачителя Христа доброту взыскавши, / доброты мира мимо текла еси, / к присноживым же источником потщалася еси святого Крещения, / и, сих наполившися, / жаждою страдания абие распалилася еси. / Темже, зело в разжжен сосуд вшедши усердно, / конца Божественного сподобилася еси.

Невеста избрана и чиста, / от Неискусомужных Рожденному невеста была еси, / पहले временного жениха, славная, / ума правостию твоею возгнушавшися / и земныя обаяния одежды: / темже вечную славу и одеяние нетления, / мученице Пелагиие, ныне восприяла еси.

Слава, и ныне, праздника.

Тропáрь, глас 4:

Агница Твоѧ, Иисусе, Пелагѧя / зовёт велиим гласом: / Тебѧ, Женише мой, люблю, / и, Тебѧ ищущи, страдальчествую, / и сраспинаюся, и спогребáюся Крещению Твоему, / и стражду Тебѧ ради, / яко да царствую в Тебѧ, и умираю за Тя, / да и живу с Тобю, / но яко жёртву непорочную приими мя, с любовию пожёрщуюся Тебѧ. / Тоѧ молитвами, / яко Милостив, спаси души наша.

Канон, егѧже краегранесие: Пелагѧи хвалу истинно плету. **Глас 4.**

Песнь 1

Ирмос: Моря чермную пучину / невлажными стопами / древний пешешествовав Израиль, / крестообразными Моисеевыми руками / Амаликову силу в пустыни победил есть.

Пучину твоих чудес плавающу, / хлад духовный ныне ми подаждь, мученице Христова Пелагѧе прехвальная, / и ко пристанищу благоутѧшному твоих похвалений настави.

От младенства проразуменно Заждителю твоему возложившись, честная, / тленных отвергла еси любовь, Пелагѧе всеславная, / мужески же страсти Божественною силою попрала еси.

Бани Божественныя желáючи, славная, прияти Крещения, / святителя обретши Христова, Пелагѧе, притекла еси / и, приобщившись, света Божественнаго, мученице, исполнилася еси.

Богородичен: Святых святѧйши была еси, Дѧво Чистая, / святых Святаго Христа на руку носивши, / Божественными силами всю тварь содержащаго.

Песнь 3

Ирмос: Веселится о Тебѧ Церковь Твоѧ, Христѧ, зовущи: / Ты моя крепость, Господи, / и прибежище, и утверждение.

Якоже земля блага, приемши словесная семѧна, мученице Христова всемудрая, / сия богáтно израстила еси.

Управи́лася еси́, ꙗко избра́нна, ко Влады́ще и Бо́гу тща́щися, / мучени́це Христо́ва сла́вная, / Божество́нными укрепля́ема учéнии.

Богородичен: Возста́вила еси́, о Чистая, па́дший мой о́браз, / ро́ждши ꙗ́ве Вино́внаго па́че есте́ственного воскресе́ния.

Конда́к святы́я, глас 3.

Подобен: Де́ва днесь:

Вре́менная презре́вши / и Небе́сных благ при-
ча́стница бѣ́вши, / вене́ц страда́ния ра́ди при-
и́мши, / Пелаги́е всечестна́я, / ꙗко дар принесла́
еси́ кро́вныя пото́ки Влады́ще Христу́. / Моли́ от
бед изба́вити нас, / твою́ па́мьть почита́ющих.

Та́же, седа́лен, глас 1.

Подобен: Гроб Твой, Спа́се:

Любо́вию Христо́вою ду́шу распáльши, / вошла́
еси́ му́жески в зело́ разжже́нный, Богому́драя,
коно́б, Пелаги́е, / и была́ еси́ Влады́ще твоему́
благово́нная же́ртва. / Те́мже днесь, всесвяту́ю
твою́ па́мьть творя́ще, воспева́ем тя.

Сла́ва, и ны́не, пра́здника.

Песнь 4

Ирмо́с: Вознесе́на Тя ви́девши Це́рковь на
Кресте́, / Со́лнце пра́ведное, / ста в чине́ своем, /
достойно́ взыва́ющи: / сла́ва си́ле Твое́й, Го́споди.

Влады́чнею багря́ницею оде́яна, / ба́нею, прес-
ла́вная, пакибы́тия все́я житей́ския красны́я баг-
ря́ницы совлекла́ся еси́, / мучени́це Пелаги́е всече-
стна́я.

Желáнием небе́сных красо́т, ꙗ́же на земли́ ома-
рчѣвши желáния, страстони́сице, / те́мже окри́лила-
ся еси́, Христу́ вопи́ющи и глаго́лющи: / сла́ва си́ле
Твое́й, Го́споди.

Оскверне́нную ве́ру оста́вльши, / ко Христу́
притекла́ еси́ му́дре, Пелаги́е мучени́це всесла́в-
ная, / идо́льскую попра́вши вся́ку преле́сть, Богоп-
риятная.

Богородичен: Неискусобра́чно родила́ еси́, о
Де́во, / и по рождестве́ явила́ся еси́, де́вствующи
па́ки. / Те́мже немол́чными гла́сы, — ра́дуйся, Вла-
ды́чице, — Тебе́ ве́рою несумне́нною взыва́ем.

Песнь 5

Ирмос: Ты, Господи, мой Свет, / в мир пришёл еси, / Свет святыи, обращаи из мрачна невѣдения / верою воспѣвающи Тя.

Возмогла еси вражие разрушити свирѣпство, прехвальная Пелагии, / крестом Владычним укрепльшися и благодатию.

Ныне радуешися войстинну, сочетавшися Жениху твоему, пресветлая, мучением, / твоего дѣвства свещу имущи.

Богородичен: Господь в Тя, Богомати, вселися, / человека назидая, в тлѣние падшаго прелестию зминою.

Песнь 6

Ирмос: Пожру Ти со гласом хваления, Господи, / Церковь вопиет Ти, / от бесовския крове очищися / ради милости от ребр Твоих истекшею кровию.

Законно Христу уневѣстившися, скончала еси мучения течение / и, призываючи твоего Жениха, в пристанище тихое Сего утвердилася еси.

Изплетеса твоему верху прекрасен венец правды, / Богомудрая Пелагии, мученице венценосице, / веру бо даже до конца соблюла еси безпорочно.

Богородичен: Яд первее во уши Евы излия стропотный змий; / Ты же сего едина оттрясла еси, Богомати, губителя тому рождши.

Кондак и икос праздника.

Песнь 7

Ирмос: В пещи Авраамстии отроцы персидстей, / любовью благочестия паче, / нежели пламенем, опаляеми, зываху: / благословен еси в храме славы Твоея, Господи.

Пещным образом, сокровенным, мученице, органом, / Божественною распалаема любовью Христовою, терпящи, зывала еси: / благословен еси в храме славы Твоея, Господи.

Одевая небо облаки, славная мученице, / обнажену сущу Божественныя одежды, просвети ты,

поющую: / благословен еси в храме славы Твоей, Господи.

Богородичен: Вѣшняго освященное Божественное селение, радуйся, / Тобою бо дадеся радость, Богородице, зовущим: / благословена Ты в женах еси, Всенепорочная Владычице.

Песнь 8

Ирмос: Руце распростер, Даниил / львов зияния в рове затче; огненную же силу угасиша, / добродетелию препоясавшися, / благочестия рачители отроцы, взывающе: / благословите, вся дела Господня, Господа.

Яко мученица, яко зело неложна Христова, прехвальная, / Сего силу богословила еси, всех богомудренно научаючи, / и к благочестию люди привлекла еси, поющих: / благословите, вся дела Господня, Господа.

Яве уневестившися Христу, мучителя стремление все погасила еси, / премудрости пучину источаючи, Пелагии всечестная, / и венцы тремь, мученице, украсилася еси, поющи: / благословите, вся дела Господня, Господа.

Богородичен: Из Отца Безначальнаго Сына и Духа Святаго исповедуем, вернии, / из Тебе, Всенепорочная, глаголюще воплотитися / Собезначальное, Единородное Слово Отцу и Божественному Духу, / и вопием: благословите, вся дела Господня, Господа.

Песнь 9

Ирмос: Камень нерукосечный / от несекомья горы, Тебе, Дево, / краеугольный отсечеса, / Христос, совокупивый разстоящаяся естества. / Тем, веселящися, Тя, Богородице, величаем.

Слово изрещи не может твоих похвал, Пелагии, / пучину бо чудес источаеши твоего Жениха силою и благодатию, / Егоже ныне моли вся спасти, поющая тя.

Ставши на судищи, невесто, венценосице Пелагии, / желанию крайнему сподобилася еси, мученице, предстаи / и пищу восприяла еси вечнаго наслаждения.

Міру мир подати твоего Жениха умоли, мученице Пелагии Богомудрая, / Церковь сохранить от напастей / и благодатию ты поюция озарити.

Богородичен: Явилася еси Дева и Мати, паче естества, Богородительнице, / Слово зачэншая Отчее, воплощенно Сие рождши, / Имже ныне спасаеми, Тя, Богородице, величаем.

Святая дева Пелагия жила в городе Тарсе во время правления гонителя христиан императора Диоклитиана (284—305). Она была дочерью знатных язычников, близких к императорскому двору, однако тайно исповедовала веру Христову и желала принять святое Крещение.

Наследник императора, некогда усыновленный Диоклитианом, любил Пелагию и хотел взять ее в супруги, но она отказалась от земного супружества, желая быть невестой Христовой. Юноша исполнился ярости и хотел отомстить Пелагии, но решил на некоторое время оставить ее в покое, надеясь, что она передумает.

Тем временем святая Пелагия стремилась осуществить свое душеспасительное намерение, но не знала как это сделать, так как епископ Тарсийский Клинон, от которого она хотела принять святое Крещение, скрывался от гонителей в горах. Однажды в сонном видении ей явился епископ Клинон, и святая поняла, что медлить нельзя. Она молилась Господу, чтобы Он сподобил ее наяву лицезреть христианского епископа. Скорее это осуществилось.

Отпросившись у матери навестить свою кормилицу, которую не видела уже много лет, святая Пелагия в сопровождении слуг, на дорогой колеснице и в богатых одеждах, как того пожелала ее мать, отправилась в путь. Когда ее коляска въехала в лес, по особому Божию устроению навстречу ей вышел епископ Клинон. Припав к его ногам, святая Пелагия молила, чтобы он совершил Таинство святого Крещения. По молитвам архиерея забил источник, в котором и была крещена святая Пелагия. Епископу Клинону сослужили Ангелы, державшие над ней плащаницу «паче снега белейшую». Причастившись Святых Даров, святая Пелагия мо-

литвенно благодарила Господа за Его милость.

Кормилица весьма обрадовалась, увидев свою питомицу, изменившуюся почти до неузнаваемости: если прежде она была горделива и величава, то теперь — смиренна и кротка; прежде многословна — теперь молчалива; раньше любила изысканную пищу — теперь пребывала в посте и воздержании: ранее жизнь ее протекала в праздности и увеселениях, отныне же она постоянно пребывала в молитве. Как ни отраднo было кормилице видеть у себя Пелагию, однако она просила невесту Христову не задерживаться у нее. Узнав о Крещении своей дочери, мать связала ее и отвела к Диоклитиану на суд, боясь его мести. Святая Пелагия поведала ему о трех небесных венцах, которые ей уготованы свыше: первый венец — за чистосердечную веру в Господа, второй — за чистоту и девство, которые она соблюла на земле, третий — за мученическое исповедание Христа.

Диоклитиан пришел в ярость от такого смелого и дерзновенного исповедания. Он приказал немедленно раскалить медного быка (орудие пытки), чтобы сжечь в нем святую деву. Прежде чем пойти в огонь, мученица обличила нечестивого императора, сравнив его с врагом рода человеческого, который, как известно, умел принимать разные обличия и действовать через разных людей.

В ответ Диоклитиан повелел сорвать с нее одежды, чтобы обнажить пред всеми девственное тело святой, тем самым заставить ее устыдиться своей наготы и унижить. Однако святая Пелагия, осенив себя крестным знаменем и воззвав к Богу, сама сняла с себя одежды, не позволяя палачам дотронуться до своего тела, и вошла в раскаленную печь.

Ее честное тело растопилось, как

масло, наполнив весь город благоуханием. Останки святой сохранились невредимыми, и император повелел бросить их за городом. Четыре льва, пришедшие из пустыни, охраняли святые мощи от диких зверей и птиц. Вскоре епископ Клинон предал останки святой погребению. Впоследствии

на этом месте при святом равноапостольном императоре Константине (память 21 мая) был воздвигнут храм.

Литература

Житие святой мученицы Пелагии. М., 1902.



В
ТОЙЖЕ
ДЕНЬ

Преподобных отец Никиты, Кирилла, Никифора, Климента и Исаакия, братьев Алфановых, Новгородских

ВЕЧЕР

На Господи, воззвах: стихиры, глас 8.

Подобен: О, преславнаго чудесе:

Преподобнии отцы Богомудрии, / слепым даёте свет, / болящим исцеление / и хрым здравие, / милостивно приклоняющиеся к приходящим верою ко храму вашему / и просящим помощи вашей, / заступники бо и предстатели, вернии вси, обретением, / восхваляюще вас.

Преподобнии отцы всечестнии, / добродетельми возшедше на колесницу, / к Богу востекосте, / победные почести приемлюще, / и, яко милоть, нам телеса ваша, / положена во гробех, отцы, оставили есте, / источати исцеления и прогонити дүхи лукавыя, / темже блажим вас, прехвальнии.

Ликом постническим сочетаетесь / и украсившись, блаженнии, постническим житием, / и ныне в Небесных обителях живете, веселящесь, / идеже ликуют Ангели, / и, светом Божественным воистинну обожаетесь, / поминайте любовь блажащих вас на земли / и святое ваше творящих празднество.

Слава, глас 6:

Преподобнии отцы, / Никито, Кирилле, Никифоре, Клименте и Исаакие! / Во всю землю изыде вещание исправлений ваших, / тем на Небесех обретосте мзду трудов ваших, / демонов разруши-

сте полкі/ и Ангелов достигóсте чѣны,/ ѡхже
житію непорóчно поревновáсте,/ дерзновѣние
имѹще ко Гóсподу,/ мир испросѣте душáм нáшим.

И ныне, Богорóдичен.

**Вход. Прокѣмен дне. И чтѣния 3 преподóбниче-
ская (зри страницы 133—134).**

На стихóвне стихѣры, глас 4.

Подóбен: Яко дóбля:

**Во Христá облѣкшеся,/ тлѣемаго человѣка бого-
мúдренно совлѣкшеся,/ тем, духóвною благодáтию
прѣсно просвещáемѣ,/ яко звѣзды свѣтлыя, мѣро-
ви просіяли естѣ,/ молящеся от тли и бед
избáвѣтися/ вѣрою совершáющим прѣсно че-
стнóю пáмьятъ вáшу.**

**Стих: Честнá пред Гóсподем/ смерть преподóб-
ных Егó.**

**Ныне пѣщу воспрѣемлюще,/ и свѣтом ограждá-
емѣ,/ и жизнь вѣчную наследствующе,/ к вам
прибегáющѣя от бед избáвѣте,/ и искушѣний
разлѣчных, и всѣкаго озлоблѣния,/ богомúдренно
к Бóгу дерзновѣние стяжáвше/ и любóвь показý-
юще воѣстинну хриstopодóбную.**

**Стих: Блажен муж, бойся Гóспода,/ в заповедех
Егó восхóщет зело.**

**Богонóсцы вседѣвнии,/ Трóицы побóрницы,/ к
миродержѣтелю борѣнию мýжескою мúдростию
ополчѣвшеся,/ и тогó низложѣсте твѣрдѣми спле-
тѣнии,/ и побѣдными увязóстеся венцѣ,/ сегó рáди
Божѣственную и светонóсную совершáем вáшу
пáмьятъ,/ освящáемѣ благодáтию.**

Слáва, глас 8:

**Преподóбнии отцы,/ Никѣто, Кирилле,
Никѣфоре, Клѣменте и Исаáкии,/ мѣра красотѣ и
пѣщи врѣменныя отнѣод возненавѣдѣвше,/ и мона-
шеское житіѣ пáче возлюбльше,/ Ангелом собе-
сѣдницы бѣстѣ/ и свѣтѣльницы многосвѣтли
вселѣнней,/ чудесѣ, якоже второѣ сóлнце сияете,/
но всех нас поминáйте,/ совершáющих священ-
ную пáмьятъ вáшу,/ мы бо, чáда вáша и óвцы
словѣсных вáших учѣний,/ вас на пóмощь призы-**

ва́ем, / прося́ще ва́ми прия́ти / мир и ве́лию ми́лость.

И ны́не, Богоро́дичен: Безневе́стная Де́во:

Тропа́рь, глас 1:

Послу́шаша Господня́ гласа, / до́брии рачи́тели б́ывше, / благи́й Егó ярем на ся вземше, / усер́дно понесóсте / и по́стничества путь дости́гше, / преподо́бнии отцы́, святи́и чудотво́рцы, / во́ини Небе́снаго Царя́ Христа́, / Ники́то, Кири́лле, Ники́форе, Кли́менте и Исаа́кие, / сего́ ра́ди от Вседержи́тельныя десни́цы венцы́ неувяда́емыми увязо́стеся, / и Небе́сною сла́вою оде́ястеся, / и чудотворе́нии обогати́стеся, / те́мже и о нас моли́ти не престáйте, / да получи́м ве́чных благ, / мы же си́це взывáем: / сла́ва Дáвшему вам к по́двигу крѣпость, / сла́ва Венча́вшему вас, / сла́ва Даю́щему ва́ми всем исцелѣ́ния.

Ин тропа́рь, глас 8:

Свети́льницы свети́и явльшеся, / доброту́ земну́ю му́дренно оста́виша, / и всю добродѣ́тель извѣкли * есте́, / и обрето́ша безсме́ртие, / постóм и бде́нием и прóчим воздержáнием себе́ приноша́ху, / и ны́не со Ангелы́ на Небесе́х Престо́лу Христо́ву предсто́йте, / моли́теся Бо́гу, му́дрии, / Ники́то, Кири́лле, Ники́форе, Кли́менте и Исаа́кие преподо́бнии, / умири́ти мир и спасти́ ду́ши на́ша, пою́щих, / и согрешáющим оставле́ние грехо́в дарова́ти, / чту́щим святу́ю па́мять ва́шу.

Сла́ва, и ны́не, Богоро́дичен.

НА УТРЕНИ

На Бог Господь: тропа́рь преподо́бных, дважды. Сла́ва, и ны́не, Богоро́дичен.

По 1-м стихослóвию седа́лен, глас 4.

Подóбен: Ско́ро предваря́:

Свети́льницы пресветли́и исти́ны Христо́вы / Ники́то, Кири́лле, Ники́форе, Кли́менте и Исаа́кие, / мир просвети́сте уче́нием ва́шим, отцы́ Богоглаго́-

* извѣкли — изучили.

ливии, / погубивше ереси зловерных хульник, / погасите пламенная хулящих смущения, / тем, яко Христови угодницы, всех просвещаете.

Слава, и ныне, Богородичен:

Дѣво Всенепорочная, Яже Пресущнаго Бѣга рождающая, / со преподобными Того непрестанно моли / оставление прегрешений и исправление жития дати нам прежде конца, / верою и любовью поющим Тя по долгу, едина Всепетая.

По 2-м стихословии седален, глас 8:

Отрекостесь плоти Христа ради / и духовнии явившися людем водителие, / услышасте словеса тайных учений, / монахом же явистесь правило правости, / страсти вся крепостию поправше, / тем и коварства бесов до конца попавше, / и к Немю изрядно всегда, Богоноснии отцы, молитесь / грехов оставление подати чтущим любовь святую память вашу.

Слава, и ныне, Богородичен:

Се Тебе роди родов славят, якоже прорекла еси, Отроковице, / Создателя бо всех бысть палата и Божественный храм, / в немже вселися Вышний и плотию обложися, да спасет нас.

Величание и псалом избранный общи преподобным.

По полиелѣи седален, глас 8.

Подобен: Премудрости:

Егда, блаженнии, к Божественному желанию ум свой вперисте, / тогда оставили есте вся долу влекущая мудрования / и, в пустыню всельшися, яко крин, процветосте добродетельми, прекраснии, / страстей искоренивше тернии, и в ней насадисте плоды трудов ваших. / Темже и пожавше рукояти * богатство неотъемлемо на Небесех, / отцы преподобнии, Никито, Кирилле, Никифоре, Клименте и Исаакие, / молитесь Христа Бѣга согрешений оставление даровати / чтущим верою святую память вашу.

* рукояти — снопы.

Сла́ва, и ны́не, Богоро́дичен:

О Тебе радуется, Благодатная, всякая тварь, /
 а́нгельский собо́р и челове́ческий род, / освяще́н-
 ный хра́ме и раю́ словесный, / де́вственная похва-
 ло́, из Нея́же Бог воплоти́ся и Младене́ц бысть
 пре́жде век Сый Бог наш, / ложесна́ бо Твоя́
 престо́л сотвори́ / и чре́во Твое́ пространнее Небе́с
 соде́ла. / О Тебе радуется, Благодатная, всякая
 тварь, сла́ва Тебе́.

Та́же степе́нна, 1-й антифо́н 4-го гла́са. Проки́-
 мен, глас 4: Че́стна́ пред Го́сподем / смерть преподо́бных
 Его́. Стих: Ч́то возда́м Го́сподеви о всех,
 я́же воздаде́ ми? **Вся́кое дыха́ние: Ева́нгелие от
 Матфе́я, зача́ло 43.**

По 50-м псалме́ стихира, глас 6:

И́же на земли́ А́нгели / и на Небеси́ челове́цы
 Бо́жии, / Никито́, Кири́лле, Ники́форе, Кли́менте и
 Исаа́кие, / ми́ра благо́е украше́ние / и благо́х
 пита́телей удо́брение, / мона́хов и преподо́бных
 похвалу́, / вели́ких отце́в почти́м, / наса́ждени бо в
 до́му Го́сподни / и процвето́ша пра́ведно, я́ко ке́дри
 в пу́стыни, / и умно́жили есте́ ста́до Христо́во
 словесных овец / в преподо́бии и пра́вде.

Кано́н преподо́бным, глас 8.

Песнь 1

Ирмо́с: Песнь возслём, лю́дие, / чу́дному Бо́гу
 на́шему, / свободи́вшему Изра́иля от рабо́ты, /
 песнь победную́ пою́ще и вопию́ще, / по́йм Тебе́,
 Еди́ному Влады́це.

Песнь возслём, ве́рнии, Творцу́ на́шему, / сво-
 бо́ждшему уго́дник Свои́х от душегубных сетей
 врага́, / и напра́вльшему стези́ их на путь ми́рен, / и
 почётшему я целёбными да́ры, / те́мже и моле́бне
 возглаго́лем: / моли́твами святы́х Твои́х спаси́
 ду́ши на́ша, Христе́ Бо́же наш, Еди́ный Влады́ко.

Песнь возсыла́ем по́стником Богому́дрым, / пре-
 подо́бным отце́м: Никите́, побе́де тезоимени́тому, /
 и пречестно́му его́ купно́родному бра́тству, пято-
 численному́ ли́ку, / сий бо мо́лят за ны Христа́ Бо́га
 на́шего, Еди́наго Влады́ку.

Пёсненно молебная приношения от нас приемлюще, святїи, / молити не престаите о полёзных нам, еже трёбуем: / Православию соединения, и на враги победы, / и от всех лют душевных и телёсных избавления, / яко да во хвалении поём Христа Бóга нашего, Единаго Владыку.

Богорóдичен: Песнь возслём, вёрнии, Пресвято́й Дёве, / Честнейшей Херувимов, Матери Небёснаго Царя, Христа Бóга нашего, / Сия бо к Немú Заступница и Молебница за ны непостыдна и Ходатаица непреложна, / яко Небёсным и земным едина Владычица.

Песнь 3

Ирмос: Ты еси утверждение / притекающих к Тебе, Господи, / Ты еси Свет омраченных, / и поёт Тя дух мой.

Ты еси, Миротворче Господи, даровал граду сему святых Твоих, / молебников верных и хранителей крепких, / болящим же целбников скорых. / Ты же дал еси власть сим изгоняти духов нечистых от всех страждующих, / сего ради поёт Тя дух мой.

Ты еси утверждение дал, Господи, граду сему — лик пяточисленных святых братьий, / Ты же даровал им подавати свет ослепленным, / сего ради поёт Тя дух мой.

Ты еси укрепление хромым даровал, Господи, полк Богомудрых братьий, / Ты же сими подаеши и ослабленным возставление, / сего ради поёт Тя дух мой.

Богорóдичен: Ты еси, Пречистая, заступление притекающим Ти, Богородице Дёво, / Ты же родила еси Христа Бóга нашего, Света омраченным, / и поёт Тя дух мой.

Ин кондак, глас 8:

КБóгу все своё умное желание вперисте / и к Тому невозвратно от души последовали есте, / ангельское житие на земли поживше, / и многим бысте путь ко спасению, / отсюду же и Христос вас прослави и даром чудес обогати, / темже вси, притекающе к мощем вашим, зовём: / радуйтесь,

преподобнии отцы, Никито, Кирилле, Никифоре, Клименте и Исаакие, / молитвенницы теплии о душах наших.

Седален, глас 4:

Яко Троицы угодницы, и Ангелом подобницы, и святым сопричастницы, / великому же Новуграду светильницы, / преподобнии отцы, святии чудотворцы, / пяточисленная братия, Никито, Кирилле, Никифоре, Клименте, Исаакие, / Царствие Небесное наследовавшие и у Престола Господня с лики святых предстояще, / молитесь непрестанно за души наша.

Слава, и ныне, Богородичен:

Стена непобедимая нам, христианом, еси, Богородице Дево, / к Тебе бо прибегающе, / невредими пребываем / и, паки согрешающе, имамы Тя Молитвенницу, / тем, благодаряще, вопием Ти: / радуйся, Обрадованная, Господь с Тобою.

Песнь 4

Ирмос: Услышах, Господи, / смотрения Твоего таинство, / разумех дела Твоя / и прославих Твое Божество.

Услышаша, Господи, святии Твой пресладкий благий Твой глас, / призывающ труждающихся и обремененных в покой, / сего ради честная пяточисленная братия, труждашися, вселишася во благая / и прияша чудес дары, прославляют Твое Божество.

Услышасте, премудрии, глас Сына Божия, / повелевающ взяти иго Его святое на ся и бремя легкое понести, / сего ради сие подъемше, вселитесь во благая, / славяще Его Божество.

Услышасте, преподобнии отцы, глас Кроткаго Учителя своего — Христа, / сего ради, ревнующе Кроткому, смирену сердцу и кротцы нравы бывше, / наследуете землю благих, славяще Его Божество.

Богородичен: Услышахом, Госпоже Пречистая Богородице Дево, / от богогласных и воистинну уразумехом и веруем благочестне, / яко Ты еси

родила Христа Бóга, Творца нашего, / Сему́ ўбо
душею и телом честь и поклонение приносим / и
прославляем Его́ Божество.

Песнь 5

Ирмос: *Вскую́ мя отрину́л еси́ / от лица́ Твоего́,
Свете Незаходимый, / и покры́ла мя ест чужда́я
тьма, окаяннаго? / Но обрати́ мя и к свету́ заповедей
Твои́х / путі́ мой напра́ви, молю́ся.*

Вскую́ помышление свое совершаше ино́к, /
узрѣвый вас, святѣи, верху́ земли, нетлѣнно почи-
вающих, / ўбо перстию* покры́ти дерзну́, / ѣскуса
же писмене не веде, я́ко вели́цы естѣ пред
Господем, но молебне глаго́ля: / Свете Незаходи-
мый, путі́ мой напра́ви, молю́ся.

Вскую́ ны, о ино́че, перстию́ покрыва́еши? /
Заўтра телеса́, версе** земли́ преподобныхъ бра́тий
являема, я́ко глаго́лют: / вонми́ ўбо симъ вторымъ
явлѣниемъ наю́ и увѣждь, / я́ко в жизни́ временней
не покры́ ны тьма греховная, / но обрати́ ны к Себѣ
Свет Незаходимый и путі́ наши испра́ви, / Емуже́ и
ны́не о верныхъ мо́лимся.

Вскую́ ўбо мнихъ человѣческо́ внят, / па́ки свети́-
ла, под спудомъ покрыва́ема вчера́, от него́ погре-
бѣнная, / днесъ же па́ки версе́ земли́ возсия́вшая,
па́ки сокрыва́ет, / но Свет Незаходимый третѣцею
вас проявля́ет, / наставля́я того́ в показание́ о
исти́не, / он же молебне возопі́: / о Свете Незаходи-
мый, путі́ мой испра́ви, молю́ся.

Богородичен: *Вскую́ ўбо отрину́хся беззаконіи
аз, окаянный, / от лица́ Твоего́, Ма́ти Света
Незаходимаго, / покры́ бо мя чужда́я тьма, сквер-
наго. / Но, о Пресвятая́ Девѣ́це, Ма́ти Божия́, /
обрати́ мя к свету́ заповедей Сы́на Твоего́ / и путі́
мой напра́ви, молю́ся.*

Песнь 6

Ирмос: *Моли́тву пролию́ ко́ Господу / и Тому́
возвещу́ печа́ли мой, / я́ко зол душа́ мой
исполнися / и живо́т мой а́ду прибли́жися, / и
молю́ся, я́ко Ио́на: / от тли, Бо́же, возведи́ мя.*

* перстию — землею.

** версе — верху.

Молитву пролиа ко Гóсподу, / прииде ко святителю старец и тому возвести виденная: / како убо святая ваю пятизарная телеса / узре версе земли, трегубейши возсиявшая, / и яко сугубо покрывая вы перстию; / тойже, яко Божественных тайнник о лепых устроениих, о вас сего наказав и научив вопити: / яко Иону от тли, тако и святых, от земли нетленных, Боже мой, явил еси.

Молитву пролиа ко Гóсподу в царствующем граде разслаблен сый властитель, / и, услышан быв, от вас исцелися, / и, заповеданная вами совершив, / преславным свидетель и целых телес ваших зритель бысть, пастырю благовести, / сей же о вас достойная сотвори ко Гóсподу, вопия: / яко Иону, сиче и блаженных сих телеса от тли, Боже, сохранил еси.

Молитву проливающа ко Гóсподу, / притекшая к честней раце вашей, преподобнии, / убо жена главоболезненная и дева бесновавшаяся, / знаменовавшаяся же у святых ваших мощей, / абие целоб сподобишася и ко Гóсподу возопиша: / яко Иону от тли, Боже наш, / тако и от болезни сей святых ради Твоих уздравил ны еси.

Богородичен: Молитву проливаю к Тебе, Превятей Божии Матери, аз, окаянный, / и Тебе возвещаю печаль мою, / яко зол душа моя наполнися и живот мой аду приближися, / но молюся, яко Иона: / от тли, Мати Божия, возведи мя.

Кондак, глас 8:

Благодать приемше исцелением, / простираете здравие сущим в болезнях, / преподобнии отцы и чудотворцы славнии, / Никито чудне, и Кирилле блаженне, / и Никифоре пречестне, Клименте святе и Исаакие преподобне, / но молитвами ваю противных шатание разорите, / и болезни наша исцелите, / и грехов прощение испросите, / да благодарне воззовем вам: / радуйтесь, великому Новуграду похвало и утверждение.

Икос:

Всечестных Божиих угольников, единородных братьий / пяточисленный лик песньми и пении

духовными почтѣм, / Никиту преподобнаго и Кирилла преблаженнаго, / Никифора всехвальнаго, и Климента премудраго, / и Исаакія Богодухновеннаго, к ним же воззовѣм, сице глаголюще: / радуйтесь, непреборимии к Богу подвижницы; / радуйтесь, заповедем Его крепщии хранители; / радуйтесь, постницы, благочестия искуснии. / Радуйтесь, страдальцы, противу тьмообразных произволением честнии; / радуйтесь, воины Небеснаго Царя Христа вооруженнии постом и молитвами. / Радуйтесь, яко честная своя телеса от тления чистотою жития своего соблюдшии; / радуйтесь, лукавым духом прогонители и болящим целители. / Радуйтесь, Великому Новуграду похвало и утверждение.

Песнь 7

Ирмос: От Иудеи дошедше, отроцы / в Вавилоне иногда / верою Троицкою пламень пещный попраша, поюще: / отецъ Боже, благословен еси.

Иже от града ваю принесшаяся рождшими болящая дева ко всечестней вашей раце, святѣи, / и молиत्वовавши, абие цельбы сподобися / и, здравствовавши, с сущими с нею вопияше: / прославивый святых, благословен Бог отецъ наших.

Иже болѣзнию чрева и ногу одержимая инокиня, дошедши к вам, Богомудрии, / и молитву сотворивши, скоро цельбу получи / и, благодарящи Бога, вопияше: / почтѣивый целѣбными дарами преподобных, благословен Бог отецъ наших.

Иже от обители ваю инокиня, болѣзновавшая много рукою, / вы же, преподобнии, / явѣстеся, цельбу подающе ей, умащающе тростию, / убо же молебствовавши вы, исцеление прият, вопияше: / давший целѣб дар праведником сим, благословен Бог отецъ наших.

Богородичен: Иже от праведнику произшедшую, от Иоакима и Анны, / Пречистую Деву и Богу Матерь / присно песньми почтѣм / и Сыну Ея, Богу нашему, благодарне вопиѣм: / благословен Бог отецъ наших.

Песнь 8

Ирмос: Царя Небеснаго, / Егоже поютъ вои ангельстии, / хвалите и превозносите во вся веки.

Царя Небеснаго с вои ангельскими моляще, святїи, / священничу супружницу, разслаблену сущу, исцелїсте, / ўбо же и мы возвеличившаго вы Господа поем и превозносим во веки.

Царя Небеснаго с Вышними воинствы мольбою своею на милость преклонїте, блаженнии, / диакону, болевшу ногою, цельбу подасте, / вопиющему прославльшаго сих святых чудесы: / людие, Господа пойте и превозносите Его во веки.

Царя Небеснаго со всеми святими Небесными силами умоливше, преподобнии, / беснующуюся жену уцеломудрите, / и, здрава бывши, сїце взываше Даровавшему очищение недужным сими блаженными: / людие, Господа пойте и превозносите Его во веки.

Богородичен: **Царя Небеснаго** рождшую, / всем святим Небесным силам Царицу Деву Богородицу, / Тя мы, смиреннии, молим избавити нас от всех зол, / да Сына Твоего и Бога нашего поем и превозносим во веки.

Песнь 9

Ирмос: **Войстинну Богородицу,** / Тя исповедуем, / спасеннии Тобою, Деве Чїстая, / с Безплотными лики Тя величающе.

Войстинну во Христа облечшися, преподобная братия / Божественный подвиг скончавше, / сего ради в райских селених почиванием ликовствующе, блаженнии, / молитесь о всех нас.

Войстинну ўбо вы, преподобнии, слуги Божии есте / и раби Господни искреннии, / и ближнии свидетельствуют нам целебныя дары, от ваю точащяся, / но, яко имеюще дерзновение к Небесному Царю, / о всех нас молитися не престайте, блаженнии.

Войстинну во Христа облечшиися именем, / токмо аз, окаянный, делы же нечїст и сквернен есмь, / но, обаче любовью понуждаемь, / сие вам, преподобным, отцем, моление принесох, / но аще что и не удовлих *, прощение да получу и грехов

* не удовлих — не удовлетворил.

оставлѣние, / и злых вѣка сегó избúду, и вѣчных мук свободѣние богоприятными вáю молítвами.

Богорóдичен: Войстинну úбо Ты, Пресвятáя Богорóдице, / непостýдная Ходáтаица к Бóгу за ны, многогрѣшныя, / и ныне úбо не престáй, о Пречíстая Присноблажѣнная Дѣво, Застúпнице наша крѣпкая, / умоляющи Сýна Своегó и Бóга нашего о соединѣнии Правослáвия, / и о побѣде на супостáты, / и о мíре и здравии правослáвному нарóду нашему и всей странѣ, / и бúдущия геенны óгненныя и всех лúтых мучѣний свободí Своими Богомáтерними молítвами.

Светíлен.

Подóбен: Посетíл ны есть:

Процвелí есть, я́ко фíникс, давидски, отцы, / обíтели явíстеся Дúха Пресвятáго и слáвни вселѣнной показáстеся, / о нас непрестáнно моlíте, почитающих вѣрою пречестнúю пáмь вáшу, преподóбнии.

Слáва, и ныне, Богорóдичен:

Тя пѣсньми немóлчными ублажáем, Дѣво, / я́ко от Трóицы Едíнаго родилá еси, Богорóдице, / и нóсиши на Божѣственную руку Пребогáтое Слово непременно и неизмѣнно.

На хвалíтех стихíры, глас 4.

Подóбен: Дал еси знáмение:

Светлѣйше просиявши, я́коже сóлнце, преподóбнии, / всепразднственная пáмь вáша / лучáми облиставáет вáших добродѣтельных деяний, блажѣннии, / озаряющи вѣрных чúвства свѣтом чудес вáших, / сию úбо празднующе, / рáдостию вас восхваляем / и вѣрно ублажáем всепразднственную пáмь вáшу.

Я́коже друзíи Áнгели земнии, пожíли есть, / воздержáнием тѣло свое удручívше, всеслáвнии, / бдѣнием и пáмьтию смѣртною / прилѣжно помышляюще, / Божѣственная, отцы, возвращáху / великими восхождѣнии к желáнию верховному. / Тем войстинну приближилися есть / к Самому Кáменю краеугольному — Христú.

Страсти телесныя воздержанием утомили есте, / и прилежным молением / змия льстиваго слезными потоки удавили есте, / отцы преподобнии, / и угодили есте Богу паче инех, досточуднии. / Тем вас украси Небесными дарованьми / Иисус Человеколюбец / и Спас душ наших.

Слава, глас 8:

Преподобнии отцы, Никито, Кирилле, Никифоре, Клименте и Исаакие, / поучившеся день и ночь в законе Господни, / сподобистеся древа животнаго снасаждени быти, / и плод вашего страдания венцы процвете, / дерзновение имуще к Подвигоположнику Богу, / и нам испросите очищение и велию милость.

И ныне, Богородичен:

Владычице, прими молитвы раб Твоих / и избави нас / от всякия нужды и печали.

Славословие великое и отпуст.

НА ЛИТУРГИИ

Блаженны от канона, песни 3-я и 6-я. Прокимен, глас 4: Святым, иже суть на земли Его, / удиви Господь вся хотения Своя в них. Стих: Предзрех Господа предо мною быну, яко одесную мене есть, да не подвижуся. Апостол к Галатам, зачало 213. Аллилуия, глас 6: Блажен муж, бойся Господа, в заповедех Его восхощет зело. Стих: Сильно на земли будет семя его. Евангелие от Луки, зачало 67. Причастен: В память вечную:

Преподобные братья Никита, Кирилл, Никифор, Климент. Исаакий Алфановы (Сокольницкие) жили в XIV веке в Новгороде; они проводили праведную жизнь и основали Сокольницкую обитель. Как сообщают летописи, «на Соколей горе поставиша церковь древяну святого Николу и монастырь устроиша» в 1389 году. Праведные Алфановы были в родстве с известным по летописям Яковом Анфалом, или Алфаном, который убежал на Двину, спасаясь от преследований за сношения с

Москвой. И праведные братья подверглись бедам из-за родственной связи с Яковом, тяжкими скорбями невинного страдания очистившись для блаженной вечности. В «Сказании» о святых братьях описаны чудеса, происходившие после их кончины от мощей. Празднование памяти святых 4 мая и 17 июня. В связи с пожаром, истребившим в новгородской земле Сокольницкую обитель, мощи преподобных братьев были перенесены в Антониев монастырь 4 мая 1775 года.

